

ANEXO I

BASES DA CONVOCATORIA

Primeira

O profesorado que concorra a esta convocatoria deberá cumprir os seguintes requisitos na data da publicación desta resolución:

1. Ter unha antigüidade mínima de dous anos como funcionario/a de carreira do corpo de Catedráticos ou Profesores de Ensinanza Secundaria da Comunidade Autónoma de Galicia na especialidade de Lingua Francesa.
2. Estar en servizo activo como profesor ou profesora de Lingua Francesa durante o presente curso escolar e manterse nesta situación durante o curso 2017-2018 no centro desde o que concursa.
3. A obtención destas prazas é incompatible coa participación simultánea en programas europeos, estadias formativas en empresas e actividades formativas no estranxeiro ofrecidas á marxe desta convocatoria.
4. Informe da Inspección Educativa.

Segunda

O profesorado galego adxudicatario exercerá as funcións de docencia de español como lingua estranxeira no centro de destino en todos os niveis educativos que se impartan no mesmo.

O profesorado francés adxudicatario pola *Academie d'Amiens* deberá desenvolver as mesmas tarefas docentes que estaba a desenvolver o profesorado galego adxudicatario.

Terceira

1. Para o proceso de solicitude utilizarase o modelo de formulario que figura no Anexo II desta resolución e presentarase, xunto coa documentación acreditativa dos méritos alegados, no rexistro da Consellería de Cultura, Educación e Ordenación Universitaria da Xunta de Galicia, Edificio Administrativo San Caetano, s/n. 15781 Santiago de Compostela, sendo de aplicación o establecido no artigo 38.4º da Lei 30/1992, do 26 de novembro, de réxime xurídico das administracións públicas e do procedemento administrativo común.

2. O prazo de presentación de solicitudes será de 20 días naturais contados a partir da publicación desta resolución no portal educativo da Consellería de Cultura, Educación e Ordenación Universitaria da Xunta de Galicia.



3. Ao anexo de solicitude haberá que achegar a seguinte documentación:

a) Certificado, expedido polo secretario ou secretaria do centro, co visto e praxe da persoa directora, no que se faga constar que a persoa solicitante imparte a materia de lingua francesa durante o curso académico 2016-2017.

b) Proxecto de traballo en que se analicen as condicións xerais da praza que se solicita (10 folios como máximo, letra Arial 12 puntos e interliñado sinxelo).

O proxecto deberá contar cos seguintes apartados:

- Contexto do centro educativo e a súa relación co ensino de linguas estranxeiras.
- Intereses, expectativas e transferencia da experiencia ao seu labor docente.

Cuarta

1. Finalizado o prazo de solicitudes, a comisión de valoración fará pública unha resolución provisional co profesorado adxudicatario, o profesorado suplente e o profesorado excluído, de ser o caso. Esa resolución publicarase no portal educativo da Consellería de Cultura, Educación e Ordenación Universitaria da Xunta de Galicia: <http://www.edu.xunta.gal/portal>.

2. A publicación da resolución provisional abrirá un prazo de tres días naturais para efectuar reclamacións ou renuncias. Transcorrido este prazo, unha vez estudadas e, se é o caso, atendidas as mencionadas reclamacións e renuncias, a comisión de valoración elevará a proposta definitiva á persoa titular da Dirección Xeral de Educación, Formación Profesional e Innovación Educativa, que resolverá a adxudicación definitiva da comisión de servizo.

3. A resolución definitiva do profesorado adxudicatario publicarase no portal educativo da Consellería de Cultura, Educación e Ordenación Universitaria da Xunta de Galicia: <http://www.edu.xunta.gal/portal>.

Quinta

1. Para a valoración dos méritos alegados no Anexo III nomearase unha comisión, integrada polos seguintes membros:

-Presidente/a: a persoa titular da Dirección Xeral de Educación, Formación Profesional e Innovación Educativa, ou persoa en quen delegue.

-Vogais: ata un máximo de catro, con categoría de titular de Subdirección Xeral, xefatura de servizo ou membro da Inspección Educativa, por designación da persoa titular da Dirección Xeral de Educación, Formación Profesional e Innovación Educativa.

-Secretario/a: unha persoa funcionaria da Consellería de Cultura, Educación e Ordenación Universitaria, que actuará con voz e sen voto.



2. O prazo máximo para resolver será de dous meses, contados a partir da data de publicación desta resolución no portal educativo da Consellería de Cultura, Educación e Ordenación Universitaria da Xunta de Galicia. As solicitudes entenderanse desestimadas de non resolverse a convocatoria no prazo anteriormente sinalado.

3. A resolución porá fin á vía administrativa e notificaráselle ás persoas solicitantes. Contra ela poderán interpoñer recurso potestativo de reposición diante do director xeral de Educación, Formación Profesional e Innovación Educativa no prazo dun mes a partir do día seguinte ao da notificación, segundo o disposto nos artigos 116 e 117 da Lei 4/1999, de modificación da Lei 30/1992, do 26 de novembro, de réxime xurídico das administracións públicas e do procedemento administrativo común, ou ben directamente recurso contencioso-administrativo, no prazo de dous meses, diante do Tribunal Superior de Xustiza de Galicia.

Sexta

A comisión, antes de formular a proposta de nomeamento, poderá convocar o profesorado solicitante a unha entrevista que versará sobre o proxecto e/ou o nivel de competencia pedagóxica necesaria para o seu desenvolvemento.

Séptima

En caso de renuncia ao programa esta deberá ser comunicada por escrito á Dirección Xeral de Educación, Formación Profesional e Innovación Educativa con dous meses de antelación alegando as causas da dita renuncia e xustificándoa documentalmente ante a comisión de valoración.



ANEXO II

DATOS DA PERSOA CANDIDATA

Apelidos	Nome	DNI	Data de nacemento
Centro educativo	Código de centro	Localidade	Provincia
Correo electrónico		Teléfono	Móbil

SOLICITA

Ser admitido/a na convocatoria pública para optar a unha praza *Posto por Posto* como profesor/a de Lingua e Literatura Españolas nun centro educativo da rexión francesa de Amiens (Francia) para o curso 2017-2018 (Resolución do 25 de abril de 2017).

Documentación que se achega á solicitude:

- ☐ Proxecto de traballo.
- ☐ Certificado expedido polo secretario ou secretaria do centro educativo, co visto e prace da persoa directora, no que conste que a persoa solicitante imparte a materia de Lingua Francesa durante o curso académico 2016-2017.

_____, _____ de _____ de 2017

O /A solicitante

Selo do centro



ANEXO III

Méritos	Puntuación	Total puntos máximo	Documentación xustificativa
1. Proxecto de traballo. (Mínimo 4 puntos).	Ata 10 puntos	10 puntos	Orixinal
2. Méritos docentes. -Por cada ano de servizo como funcionario/a de carreira (non se computarán os esixidos como requisito).	0,50 puntos por ano completo.	3 puntos	Fotocopias compulsadas das certificacións acreditativas.
3. Outros méritos			
3.1. Docencia en actividades de formación do profesorado, organizadas, homologadas ou recoñecidas polas administracións educativas.	0,10 puntos por cada 3 horas de formación.	1,5 puntos	
3.2. Asistencia e/ou coordinación de actividades de formación do profesorado relacionadas con linguas estranxeiras organizadas, homologadas ou recoñecidas polas administracións educativas.	0,05 puntos por cada 10 horas de formación	3 puntos	
3.3. Asistencia e/ou coordinación de actividades de formación do profesorado organizadas, homologadas ou recoñecidas polas administracións educativas.	0,10 puntos por cada 10 horas de formación.	1,5 puntos	
3.4. Participación en proxectos de anticipación da primeira lingua estranxeira no segundo ciclo da educación infantil e no primeiro ciclo da educación primaria, e participación no plan experimental de potenciación da aprendizaxe de linguas estranxeiras (modalidade 1 e 2) nos institutos de educación secundaria establecidos pola Consellería de Cultura, Educación e Ordenación Universitaria. Participación no Programa de Seccións Europeas, Seccións Bilingües, Aulas Bilingües ou Centros Plurilingües da Consellería de Cultura, Educación e O.U.	0,50 puntos por ano de participación.	4 puntos	
3.5. Participación en intercambios ou estadias formativas, con alumnado, no estranxeiro. Participación no programa de Inmersión Lingüística con alumnado de 6º de Educación Primaria.	0,25 puntos por actividade.	2 puntos	